

童山文集補遺

一



童山文集

補遺

二



童山文集補遺

三



童山文集補遺

一

李調元撰

中華書局

童山文集補遺

二

李調元撰

中華書局

童山文集

補遺

三

李調元撰

中華書局

叢書集成初編

童山文集補遺三冊

中華書局出版發行

(北京王府井大街三十六號)

秦皇島市資料印刷廠印刷

一九八五年北京新一版

開本：七八七乘一〇九二毫米三十二分之一

統一書號：一七〇一八·一五一

此據函海本排印
初編各叢書僅有
此本

童山文集序

今之刻文集者。莫不請當代名人爲序。蓋欲人之譽己。不欲人之毀己。故借名人以傳也。其實傳不傳。不係乎人。而係乎己。己果可傳歟。人雖欲毀之而不能也。己不能傳歟。人雖欲譽之而不得也。余老矣。才華既退。學問亦荒。況杜門已久。亦不知何者爲名人。干謁旣在所禁。求諛亦覺赧顏。譬如老牛謝犂。惟思臥哺枯草。終老天年耳。安能與少年騏驥共爭名于天壤間乎。且序者。所以序其事也。而田間並無所事。文者。所以揚其名也。而林下將焉用名。惟與候蟲時鳥。每遇風日晴和。喳喳。嘖嘖。所謂得一日。鳴一日而已。故不如自序之爲是也。嘉慶四年十一月初十日。童山老人李調元自弁。

童山文集卷一

賦

義嶺山賦

綿州李調元雨村

屠維作噩之年。夏五再閏之月。溽暑重蒸。燒雲肆兀。指月子端居多暇。逸興勃發。遂下讀書之樓。披人山之髮。迺著剛日。戒臨晨。挾兩從。發羅渚。涉行潦。冒火旻。嵐騰履蹠。按轡扶輪。買舸東下。導江之岷。款中流。喚魚羣。登九頂。載酒人。探李冰鳥尤之窟。叩杜宇青衣之神。熊耳懸漑。鼉令遺嘒。山水之勝。有義嶺焉。其峯如月。其雲如困。崔巍乎半天之表。軼軻乎不見其垠。仰瞻青冥翹首元津。白浮寶界。紫追絳晨。顧而樂之。曰。此黃帝之所謁。漢武之所禪。所謂高視齊楚。而伯仲崑崙者也。不爲之陟靈霄之霞闕。摩丹穴之奇文。何以飮吸湛露。而蕩滌餘鬱乎。於是迺濟草鞋束轡勒。越荻坪。踏鮪航。渡平菴之舟。蕩清溪之舫。素礫修渚。陵崢岸峭。漱流而激其清。窮源而領其要。直步獨上。孤情絕照。亦旣排閭闔。穿寶窖。蹈籊籊。入緋篠。霽曉摩崖。捫參舒嘯。尋烟染芬。然香薰萼。山應鐘鳴。林振曲號。遍福地而歷洞天。爲到人之所不到矣。臥雲子顧余而哈曰。子非所謂道濟津梁。學參潭奧者乎。茲山實汶水之方壺。襄區之員嶠也。今子逸志超歷。徧釋洞竅。心與天游。冥冥獨造。盍不就簡書筠。談禪講道。約金簡之微旨。挾三義之闢突乎。余爲東道。

主人久矣。臥遊而未覩其妙也。子爲賦之。願受教焉。余曰。唯唯。峩巖之坐鎮於西南也。下鎮梁益。上通井絡。低瞰九州。高瞻六幕。闢元氣之鴻濛。挺尻輪之磅礴。實爲少皞之墟。別是蓐收之橐。暨亥之步罕。經文命之樞所。略管子漏其包茅。周典缺其柴杓。中原五嶽之未收。四彝殊方之是壙。此所以扼塞再驤。屏藩叩筴。屹哉而衆星拱辰。截爾而四貉咸服也。爾乃孤聳天漢。高擎地軸。雄峙嶓駁。廻環綿維。高標牙門。倅形齒豁。雲谿風洞。陽厓陰壑。巖巖于五代之手。巖巖于巨靈之拓。莫不礧礧豁豁。嶽峯疊疊。巖嵒嵒而巖巖。鬱蓋蓋而鬱鬱。洵稱重阻之抗。是爲衆陽之揭。其山則有白雲瑞星。黑水飛霞。太湖石筍。天池蓮花。盤陀聖鐘。華嚴鉢字。弓背棋盤。寶掌香爐。紫芝授道。翠竹晒經。鳳背象鼻。人面牛心。太子馬鞍。宋皇龍昇。觀佛長老。升仙純陽。蓬萊玉女。天門金剛。葛李三仙。爛柯九老。鬼谷十字。羅漢三島。呼應觀音。解脫善財。伏羲女媧之洞。風雷日月之臺。二十七苑。轉飛來。或獅蹲而豹隱。或螭紐而蛟蟠。或蛇臥而龜縮。或鷹聳而鵬搏。三十五步。八十一盤。莫不礧礧礧礧。礧礧礧礧。烟吞丹嶂。霧吐青巒。雲崇朝而觸石。雨膚寸而灑靈。壁立乎南安之角。挺秀于萬仞之端。其水則有洑澱潏潏。黃毛羅日。瑜伽符文。見寶種玉。白巖龍潭。黃沙虎伏。銅官彝惜。梁渡洗脚。神水龍池。乾溪馬母。八音居前。二泉在後。或牽長筥而放田。或駕剡木而引澗。或勺之而烹釜。或瀦之而舂碓。白或奔馳而歸大川。或支分而入小受。莫不琮琤琤琤。漣漣漣漣。沒滑淺滴。潏沆漫汗。吐沫成輪。懸瀑挂漢。趨飲箭池。石溜幹斷。細鳴協環。佩之聲。橫流合關。睢之亂。如雲霧之走溪中。似飛蚪之下巖畔。故其下則有白珉赤金。黃瑩丹艱。朱砂雄黃。紫英赭涅。琥珀砥礪。空青綠碧。

無爲霧中之山。放光日隙之石。恒照燎以爲彩。帶葳蕤而成色。綺質韞輝。錦文零絕。形色濃淡。影界見匿。咸百鑑而可珍。亦千金而不得。其木則塔松竹栢。樓筍香樟。洪椿真栴。打樹扭檀。羅漢菩提。佛頂鬼目。紅豆烏臼。黃楊皂角。欖櫚椅欏。梧桐杉椶。楓樅移栢。槐榆杞檀。栲栳桃樹。檀橙棠櫨。白蠟千畝。黃葛儂株。萋萋布葉。蓑蓑華敷。或入重陰而輕葛。或摧峭嶭而翳樛。森蒼蒼以蒼鬱。遞攢攢以榮滋。其果則荔枝夏赤。海梅冬丹。香櫟佛手。甘橘柚櫟。密羅棋枰。林擒枇杷。朱櫻銀杏。櫻栗木瓜。柿核棠奈。櫻李葡萄。給客之橙。綏山之桃。待甘自零。懸金若燒。要皆延年之實。足燒甘露之膏。其花則娑羅木蓮。玉蘭山梔。棠荊棠薇。木香木樨。芙蓉錦被。若榴垂絲。鷺毛玉鳳。杜鵑蛺蝶。甘菊八仙。蜀葵百合。辛夷丁香。山棠木棉。金銀錯落。錦帶翻隨。鐵甲之松。獨脚之蓮。綴蕊繁縷。落英飄翻。或筵蔓于水際。或燦爛于巖林。巖披五色之卉。壑抽四時之蘭。其竹則簕簕篾簕。箭簕篠簕。對青束紫。甘筍苦筍。千歲百夾。慈桃刺棕。鳳尾靈眉。月斑孟龍。綠延氐坂。抽筍繁叢。浮筠雨膩。纖粉露濃。琅玕聳漢。簫韶協風。泛秋潭而琴瑟。含夜月而鸞鵲。其藥則黃精紫荷。三七五加。差寒忍冬。連若升麻。獐簽羊負。狗脊鹿藿。牛蒡馬蹄。龍膽虎骨。蒼蘗豆蔻。菝葜作蘇。巴菽山蘗。石瓜川烏。浸桂枸杞。芎藭茺莢。辟虺南星。醉魚夏枯。將軍禁宮。使君守田。赤菊丹皮。白鮮黃連。金釵玉豆。椒舛毛蕪。金英草之點鐵。透山根之化鍊。更有交藤左纏。蓬蘽順棘。莢莢蘗蘗。蔓蔓葛葛。藉魁寇脫。堯鈴栝樓。雀瓢馬莓。木鼈牽牛。威靈薛荔。解毒留求。萬年倒挂。千金懸鉤。非岐伯之所識。恐神農之未收。其穀則稻黍黍。蜀秫莢穀。稽豆蠶豌豆。胡麻戎菽。其蔬則藪苴蓴菜。茄藕瓜壺。薤薑蔥蒜。蒟蒻上酥。朱萐綠

菜。白芥赤櫻。龍葵甜菜。龍顚苦蕒。馬蘭珍珠。鵲平斷續。地蠶樹雞。木耳石髮。凡園圃之所滋。悉播藝于耕
 堡。至于蘆葦蘋蕒。菱茨蔣菰。神芝昌歆。芭蕉蘋蘆。撮石燈心。仙劍雉尾。金星壁寶。碧雲薏苡。佛甲仙掌。長
 生不死。雪蛆則蠕蠕而動。空奪則冉冉而高。樹垂苦蕒之線。石挂仙人之綰。異萼蘆薈。雜卉慘蕭。萬蘿宵
 絡。綏綏綴綴。或無花而有果。或兩葉而同條。或異樹而理連。或緣壁而根交。渾木石之莫辨。訝氣味之混
 淆。條疏則爾雅缺漏。細聆則方言闕罕。總之山靈變幻。地候鬱陶。枝節蟠結。叢生僕包。遂雲蒸而氣上。雷
 奮而風號也。其鳥則鸛鵒鸛鵒。佛現竊脂。鵲鵲鵲鵲。鸛鵲鵲鵲。鸛鵲鵲鵲。伯勞子鵲。鵲鵲鵲鵲。魚虎鵲鵲。
 鸛鵲鵲鵲。鸛鵲鵲鵲。桐花之鳳。護山之鷄。雨道士之喜雨至。山和尚之好山栖。王母晝下。催生夜啼。脊令
 之連點。其七。曾雀之章備其五。或鳴深竹之中。或產生蓮之處。或茜首而黑裳。或黃鶯而駁羽。一色爲羣。
 雙飛爲侶。皆嚶嚶而和鳴。翩翩而得所。其獸則黃鼯虎豹。兕象麋牛。毫豬麋驢。麋麋皮裘。狍獾狍。獾狍。
 狍獾。聲匍匐以念佛。尾掉掉而自由。時戢威以暫伏。唯啼爪之常留。其山蟲則麤翎穴樹。麤麤巢幽。蝠蝠
 縮蜩。蟬蟬蚍蜉。其水族則鱣鱣鰻鱣。鼈鼈蛟螭。巨蚌鱗蝦。鰲魚龍修。蟬蟬蟬蟬。虹霓橫溝。積如海市。幻若
 蜃樓。或沉遊于川濱。或蹕跳于林隈。聚物怪之駭詫。增登臨之隱憂。是故山水幻變。丹青倚伏。雲鬢染翠。
 月鬢蒸綠。蟬項凝粧。螭首曼睢。其遠而望之也。獨立于縹緲之峯。如姑射之新濤。其邇而卽之也。翠掃雨
 餘之天。如淩波之可掬。旣陰晴之幻其形。亦晦朔之變其目。日月爲之蕩磨。乾坤爲之踟躕。此則上界之
 譔僂。而非人工之藻緼也。於是有秦一真人。肇自先天。金臺爲室。蒼玉聯橋。授五牙之法。明首錄之篇。鼎

湖之髯。旣上陰符之經。遂傳漢世採藥之穴。楚狂隱跡之鄉。煉丹成虎。刻木爲羊。升平閭之化。留高陽之筆。墟亡一升之酒。水垂十畝之漆。空洞受傳。隨事採藥。長留枕上之方。不負夢中之託。墨子祕書。元辨道術。乘笠以濟。遺巾遂失。他若寶誰之隱居。杜梁之遺佚。或讀書于大義。或逃名于深洞。或畫空以微吟。或飛霞而見重。莫不攝身有道。修真無愆。幅巾戴月。藜杖擔烟。跨青鸞而上舉。乘黃鶴而稱仙。適有西方聖人。來自中國。闡如來之教。闢光明之域。厥有普賢。具大象力。眷屬三千。化身萬億。示光相于幻海。護衆生之知識。爰有寶掌。致自疏勒。受梁武之延供。嗣達磨之面壁。於是緇流躍起。黃冠焰熄。焚刹牙錯。名衲充塞。木皮擬于化城。大樹驚傳風折。玉泉唯龍能通。中峯因蟒而設。雲裏點霞。水邊初月。寶塔佛臺。石船津筏。夾山香林。洞溪靈龜。指山爲號。對峯作談。寶劍初磨。舊箭未利。廣濬彈琴。寶篆疏記。騎虎而厭火星。嗣龍而飽金翅。西禪摩耶之詢。東汀去來之意。楞嚴得友。文殊何師。兩石闢瑞。七寶捐軀。焚香夜話。奉詔賜詩。躍水失笑。畫土多資。戲僧勅而竟薤。人涅槃而知時。九帽繡而却病。呼扁圓而不疑。幽人夜來。明主時見。庫司願保。獄具能斷。億株舊栽。萬年特建。法從鎮山。沙護海岸。蒲團人城。袈裟留院。或感五神。或創一觀。聖積老寶之樓。華嚴雲篆之殿。銅鏡爲瓦。丹黃爲塲。或繡頭而結茅。或負骨而遺扇。或然三指以爲供。或寄七首而俱驗。或跣步兮不出。或行脚兮不倦。均卓錫于峻峯。傳衣鉢于諸贊。更有社白續蓮。詞參桃面。前有馮楫懺儀。後則蔣超夢幻。共修淨業。均由仕宦。要皆各擅宗風。棲心邱壑。卷則七十有二。寺則三十有六。歷紺宇于嶙峋。登道場于林麓。以至老稚男婦。齋施願祝。法鼓金錢。雷鳴電煜。邈州越縣。灼臂跽

足履丹梯若平康。儼震旦之天竺。臥雲子曰。是則然矣。獨是釋界圓明。靈跡顯異。雖色相之盡空。亦圓通之必示。有所謂佛光佛燈者。余久聞之。而心醉矣。子豈未之辟。與其道途之阻。與節候之殊。可得聞其備乎。指月子曰。是固出余上天入地之外。而不圖靈山之重。疊而昇也。請得而畢所志焉。其光之將展也。霧氣初霽。旭日始昇。兜羅旣布。銀色斯澄。始霏霏而盆起。漸蒼蒼以飛騰。忽奔馳而上下。遂圓結而鬱升。異鳥啾啾而過語。山客續續以來登。稍焉光從巖吐。彩乍上蒸。赤日之懸正射。黃道之吉斯微。疊含五采。圓轉千層。照若菱花之鏡。翻如車輪之乘。恍見青牛之出谷。信有白馬之馱經。五大難辨其佛。二小指眎于僧。俯萬壑而不轉其盼。聚衆生而各見其形。若隱若見。乍散乍凝。洵紺綵之炫爛。實瑞氣之熏蒸。屢禱之而輒應。忽倏焉而無憑。其燈之未出也。暝鐘暫息。曉鼓始報。萬籟無聲。一燈獨明。預戒十手所指。先防兩目成笑。正皎月之在天。猶微火之未燭。不顯其光。自他有燭。乍冉冉而過林。漸熒熒而出篠。忽一點而兩點。又似肖而未肖。如螢光之弄暉暉。似蠟炬之然燎燎。忽焉萬盡光明。四山燭照。或從雲中而的燦。或自水邊而熠燿。如千朵之芙渠。似三秋之野燒。或去或來。滿坑滿竅。遠明風洞之門。近映雷坪之廟。恒河之沙不足數。星宿之海非可料。此則靈跡之精英。而獨具電露之奧妙者也。若險阻則巖巒鵲嶺。彌詫閭王。蛇名倒退。雁亦回翔。觀心坡陡。倒拐嶺長。逢朽棧而墮澗。挽鐵索而逾梁。僮人扶輿而喘汗。從者橫杖而傍徨。如尺蠖之伸壁。若涎蜎之上墻。若氣候則漸升漸冷。如冬如秋。初添續絮。繼着重裘。祝融失其災熯。元冥縱其颺颺。上逼成梁之鵲。高見飲津之牛。於是臨危四望。頓豁雙眸。二巖則覆蓬蓋頂。三巖則鐔刃

昂頭西有千古之雪嶺。東有萬里之吳舟。北則成都如井底。南則瓦屋如峭嶺。蓋至此則又不覺魂舒心懌。而始得一攬全收也。夫人之生也有涯。而知也無涯。僕以汶汶悶悶之軀。學不足以三墳五典。足未歷夫八紘九夷。動輒得咎。顛蹟所宜。曾此劍南。東角嘉州。西隅密邇華陽之壤。拱峙黑水之淵。毫而不見。雖老胡爲。況茲山之靈著矣。年將斑白。咎塞寰區。不惟借以懺悔。且以祈福庭闈。亦補過之切計。娛老之良維也。此所以目不見其峻。足若履其夷。攜余季以登陟。而亦自忘其疲乎。臥雲子乃相視而哂。俯首而辭曰。吾今乃知天地之大。竟有峩眉。

雪浪石賦

嘆茲石何奇幽。乃扶輿所融結。勢詰嶠以成奇。質晶瑩而表潔。中含水德之精。外露山靈之節。移來澗底。還餘澗水之粼粼。斲自巖間。似帶巖泉之淅淅。看千峰之鑿出。似結陽冰。乍萬壑以浮來。疑團古雪。此宜爲東坡之所珍。而堪作西清之點綴也。原夫石剛天根。名標雪浪。盤岱嶽而根深。並太行而屹向。雲屯萬馬。蹲踞之狀初來。氣壓千牛。困蠹之形欲放。藏於定州之官衙。重以大夫之元唱。摩挲而觸手生波。細玩而從心蕩漾。恍風雨之迷離。資烟雲之供養。倘使屏連翡翠。一派青陰。如其架近珊瑚。千重紅漲。異塔九華並列。同入蘇子之衫襟。還見一品同函。載入米家之畫舫。徒觀其島嶼中藏。遂登咫尺。近接礪阿千里。遠望玻瓈一碧。平添激湍。似二陵之雨初沱。半濕斜痕。疑三晉之雲下澤。不是黃牛之峽。齒齒偏呈吼浪之形。如同白馬之潮。鑿鑿亦擁奔騰之迹。沉沉碧沼。恍逢礪齒之流。耿耿銀河。錯認支機之石。他如磨鏡

則蔓草長延。綰紗則青苔廻互。羅浮則張祜載歸。釣磯則陶侃獨步。曷若精明一片。偏多洗濯之姿。頑蠢一拳。倍有玲瓏之趣。不通海眼。時驚海若之廻瀾。若砥河身。却怪河伯之趨附。片端初見。隱隱鰲人之織梭。半塊雖微。明明現龍戶之編賦。饌其品。固宜石室之藏。重其奇。足上金闕之路。我皇上。肅肅五經之堂。陰陰萬年之樹。潮海則列於文檣。仇池則珍於寶庫。彼雪浪之瑰奇。亦邀天顏之眷顧。將禁園鬱鬱時。觀積水之回紋。而宮樹濛濛。定有微波之斜注。

黃目上尊賦

懿王朝有祀典。觀儀文而肅將。昭芬餽之誠已著。其虔於夏祀春禴。表馨香之氣可登。其品於冬蒸秋嘗。當靈旂之始降。斯尊竿之必詳。故一鹵同盛於秬黍。而三獻共荐夫蕭薌。言酌其中。知不等於敬器。氣浮于外。夫豈類于濫觴。惟纖翳之無遮。光流炯炯。斯昭融之有象。喬若煌煌。故矢潔獨於明神。茅惟用白。而昭禮儀於禋祀。瓊則流黃。原夫尊也者。或鷄。或鳥。別其名。或虎。或雉。標其目。同蓬豆以臚陳。異簠簋之古樸。比諸瑤爵。王爵之制。徒旁列以森森。別於元酒。醴酒之陳。祇流芳而馥馥。薦來清醕。盈盈。而秋水疑沉。酌罷明齊溢溢。而曉烟初沐。錯采而影自光芒。鏤金而形還炳郁。乍映鸞刀之割。疑刮膜於金篦。啓陳龍輔之前。似拭睂於玉楹。爾乃欽其表儀。樞其形相。精鏤堅其內質。鑑光炳其外狀。儼腫人之乍剪。光流龍勺之間。疑睂子之初措。影射犧彝之上原。無電閃一條之金線。偏明。豈有雲遮雙珥之玉輪。不障。惟克配中央之土。故處中而不偏。因合乎臨上之文。故居上而不讓。以是知欽其實者。莫名其器。禮則往者。其物